

Eg gjekk ein tur på stien

Retningslinjer for tildeling av midlar

1.0 Om prosjektet

Sparebankstiftinga Sogn og Fjordane ønskjer å vere ein aktiv pådrivar i arbeidet med å legge til rette for bulyst, trivsel og folkehelse i Sogn og Fjordane.

Stiftinga har difor tatt initiativ til prosjektet 'Eg gjekk ein tur på stien'. Prosjektet skal bidra til å utvikle infrastruktur for friluftsliv i vårt område, slik at Sogn og Fjordane vidareutviklar sin posisjon som ein attraktiv region for dei som allereie bur her og potensielle tilflyttarar.

Stiftinga vil stille midlar til rådvelde for DNT Sogn og Fjordane for å få gjennomført prosjektet.

2.0 Føremål

Hovudmålet for «Eg gjekk ein tur på stien» er å legge til rette for utvikling av turruter i Sogn og Fjordane, og dermed sikre eit attraktivt tilbod til befolkninga med omsyn til folkehelse, livskvalitet og bulyst med fokus på berekraft og friluftsliv for alle.

Hovudmålet når ein ved å realisere konkrete lokale tiltak knytt til:

- Utbetring, utvikling og vedlikehald av prioriterte turruter som stimulerer til auka kvardagsaktivitet i lokalmiljøa. Her under vil merking og skilting, samt nødvendige sikringstiltak av rutene inngå.
- Utbetring, utvikling eller etablering av nokre utvalde godt tilgjengelege turruter i nærmiljøet

Føremålet med prosjektet kan delast inn i fire effektmål som skal verre førande for lokale prosjekt:

- Folkehelse og bulyst
- Berekraft
- Styrka frivilligheit
- Tryggleik

2.1 Folkehelse og bulyst

Prosjektet skal legge til rette for eit godt kvardagsfriluftsliv for bebuarar i Sogn og Fjordane og bidra til auka folkehelse, trivsel og bulyst i regionen. Det er eit ønskje at prosjektet skal bidra til at alle, uavhengig av alder, kulturell bakgrunn, erfaring og funksjonsevne, skal finne turområde i Sogn og Fjordane der ein kan føle seg trygge, vere fysisk aktive og få naturopplevingar.

2.2 Berekraft

Miljø og berekraft står sentralt i prosjektet. Det er viktig å sikre at turrutene utviklast berekraftig, slik at naturmangfald- og kulturminneverdiar vert ivareteke på ein best mogleg måte.

Det vert heilt sentralt for prosjektet at planlegging og gjennomføring av prosjekta skjer i tråd med Merkehandboka, herunder «veilederen for natur- og miljøvurderingar av ruter og turmål» samt Miljødirektoratet sin rettleiar «Naturvennlig tilrettelegging for friluftsliv» (2019). Det bør i planleggingsfasen av lokale prosjekt vurderast om det skal gjennomførast ein sårbarheitsvurdering for

turrutene ein ønskjer å utvikle. Ved planlegging om etablering av heilt nye turruter er det et krav at det gjennomførast ein sårbarheitsvurdering.

2.3 Styrka frivilligheit

Prosjektet skal bidra til sosial berekraft i lokalsamfunn ved å styrke frivilligheita og kompetansen i frivillige lag og organisasjonar. I tillegg skal ein jobbe for auka samarbeid mellom frivilligheita og det offentlege.

2.4 Tryggleik

Det er eit ønske at prosjektet bidrar til at befolkninga i Sogn og Fjordane skal kunne drive et trygt friluftsliv. God merking og skilting, samt nødvendige informasjons-og sikringstiltak på turruter er eit prioritert tiltak i prosjektet for å ivareta tryggleiken til turgåarane.

3.0 Krav til lokale prosjekt

3.1 Kva prosjekt kan ein søkja om midlar til

Prosjektet legg opp til at alle kommunar i lag med lokale turlag og andre frivillige lag og organisasjonar i Sogn og Fjordane kan utvikle sine turruter. Prioritering av kva rute(r) ein ynskjer å utvikle vert ei oppgåve for Lokal Prosjektgruppe. Dette kan vere etablerte turruter som ein vil utbetre og utvikle eller nye stiprosjekt. Det er i prosjektet også øyremerkte eigne midlar til nokre utvalde prosjekt der ein jobbar med godt tilgjengelege turruter, som gjer det mogeleg også for personar med funksjonsvariasjonar å drive friluftsliv.

Ein prosjektsøknad kan innehalde ein eller fleir turruter.

Prosjektet skal fyrst og fremst prioritere turruter som motiverer og stimulerer til auka kvardagsfriluftsliv og bidra til at befolkninga i Sogn og Fjordane har sikre og lett tilgjengelege turruter i sine nærmiljø. Prosjektet prioriterer ikkje turruter som er direkte retta mot turistar, likevel kan nokre av rutene ha en positiv sideeffekt for turismen i lokalmiljøa.

Døme på turruter i Sogn og Fjordane som ville passa godt inn i prosjektet kan finnast på nettsida til prosjektet.

3.1.1 Utforming

- Turrutene skal i hovudsak vera gradert grøn, blå eller raud i høve til Merkehandboka si gradering
- Skilting og merking må gjerast i tråd med Merkehandboka sin skiltmanual og standard for merking.
- Turruten skal vera synleg og tilgjengeleg for folk flest, den må difor registrerast i kartverket og leggest ut på UT.no og andre lokale plattformer for turplanlegging.
- I starten av kvar turrute skal det vere et infoskilt med info om turruta samt info om prosjektet og prosjektbidragsytarar.

3.1.2 Frivilligheit

- Det er eit ønske at deltakarar i lokale prosjektgrupper deltar i kurs og kompetanseutvikling som vert tilbydd gjennom prosjektet
- Lokale Prosjektgrupper skal planlegge korleis ein kan invitere nye grupper inn i dugnadsarbeidet.

- Det vert oppmoda om å halde opne dugnader i samband med utvikling av lokale turruteprosjekt.

3.1.3 Berekraft - natur- og kulturomsyn

- Tiltaka skal vere forankra i Merkehandboka derunder «veilederen for natur- og miljøvurderingar av ruter og turmål», og Miljødirektoratet sin rettleiar «Naturvennlig tilrettelegging for friluftsliv» (2019).
- Der ein finner det naudsynt må det gjerast en sårbarheitsvurdering av tuområda. Ved etablering av heilt nye ruter er det et krav at det gjennomførast ein sårbarheitsvurdering.

3.1.4 Godt tilgjengelege turruter

Godt tilgjengelege turruter skal utformast etter definisjonen i merkehandboka:

Godt tilgjengelig er en kategori som innebærer at en ferdselsåre er bedre tilgjengelig for mennesker med funksjonsnedsettelse enn det kravet til grønn gradering tilsier, men likevel ikke slik at kravene til universell utforming fullt ut er ivaretatt. Tilgjengeligheten skal være beskrevet i Kartverkets turrutebase og i annet informasjonsmaterieil slik at brukeren kan vurdere egne muligheter til å bruke ferdselsåren.¹

3.1.5 Krav til skriftleg grunneigaravtalar

- Det er et krav om at det føreligger skriftleg grunneigaravtale før ein begynner med sjølve merkinga/utforminga av turrutene. Mal for grunneigaravtaler finnes i Merkehandboka.

3.1.6 Krav til vedlikehaldsplan

- Lokale prosjektgrupper må ha ein vedlikehaldsplan for turrutene som utviklast gjennom prosjektet. Det bør i tillegg føreligge ein avtale om ansvarsfordeling for framtidig reinvestering.

3.2 Avgrensingar

Lokale prosjekt som fell utanfor prosjektet sitt føremål eller budsjetttramme kan ikkje søke på denne ordninga. Slike prosjekt kan retta seg direkte til Sparebankstiftinga.

3.2.1 Geografisk avgrensing

Prosjektet er avgrensa geografisk til å gjelde kommunar i Sogn og Fjordane, inkl. Hornindal.

3.2.2 Tilrettelegging og infrastruktur

Midlane i prosjektet er øymerka sjølve turrutene og det vil i utgangspunkt ikkje bli innvilga midlar til utbygging av større infrastruktur som til døme parkeringsplassar. Lokale prosjektgrupper må samarbeide tett med sin kommune for å ivareta behovet for parkeringsplassar og anna infrastruktur.

3.3 Lokale prosjektgrupper – krav til søkar

Midlane i prosjektet er øymerka lokale prosjektgrupper beståande av representantar frå kommunen, lokallag i DNT Sogn og Fjordane og andre frivillige lag og organisasjonar. I prosjektet er det lagt opp til at kommunen har ei sentral rolle i prosjekta mellom anna med omsyn til prioritering og kvalitetssikring av lokale prosjekt og skal bistå turlag og frivillige organisasjonar med å søkje prosjektmidlar. Det tilrådest at de lokale prosjektgruppene i tillegg består av representantar frå andre frivillige

¹ Merkehandboka s. 12

organisasjonar t.d. idrettslag, representantar frå lokale grunneigarar som vert rørt av prosjektet, og andre aktuelle aktørar.

I realiseringa av lokale prosjekt er det ein føresetnad at kommunen er sentral i høve prosessar knytt til;

- spelemidlar,
- forskottering av spelemidlar,
- grunneigaravtalar
- plan- og bygningslova
- prosjektrekneskap

3.4 Finansiering

I prosjektet er det øyremerket et grunnbeløp på 500.000 kr. til kvar kommune. I tillegg kan ein søkja om tilleggsløyving basert på behovet til prosjektet. Beløpet kan fordelast over fleire år og fleire stiprosjekt. Det må sendast inn ein (1) prosjektsøknad per stiprosjekt.

Midlar frå Sparebankstiftinga kan ikkje fullfinansiere prosjekta, det er eit krav at den lokale prosjektgruppe stiller med egne midlar og/eller andre gåvemidlar. Prosjekta bør kvalifisere til spelemiddelsordninga. Dugnad kan utgjere ein del av finansiering med ein timepris på: 435 kr. Prosjektet vektlegge lokale prosjekt som utløyser dugnad/frivillig innsats.

Det oppmodast til spleiselag omlag etter denne fordelinga:

- 1/3 frå Sparebankstiftinga
- spelemidlar
- dugnad og private/offentlege bidrag

Det kan søkjast om annan finansieringsmodell, men bidrag frå Sparebankstiftinga vil normalt ikkje overstige 33 % av prosjektet sin totalsum.

Midlane kan ikkje nyttast til lønn.

3.5 Søknad og rapportering

Lokale prosjektgrupper søker om midlar ved å sende inn ein søknad formulert som ein prosjektplan, der ein gjer greie for prosjektorganisering, finansiering og korleis ein vil jobbe for å imøtekomma prosjektets føremål.

Det er krav til årleg rapportering frå lokale prosjektgrupper pr. 15. november kvart år.

Søknader og rapportering gjerast i søknad- og rapporteringsskjema utsendt av prosjektleiar, som ligger tilgjengeleg på nettsida. Søknad og rapportering sendast til turpaastien@dnt.no.

Godkjenning av søknad og utbetaling av midlar

For at få søknaden godkjent må tiltaket det søkast tilskot til inngå i en vedteken kommunal plan. For å få utbetalt midlar må kommunen kunne vise til fullfinansiering av anlegget ved å ha innvilga forskottering eller til godkjent spelemiddelsøknad frå Vestland fylkeskommune.

Vedlegg 1 – Nettressursar

Merkehandboka: [Merkehandbok 2019.pdf \(merkehandboka.no\)](#)

Merkehandboka si vegleiing for natur og miljøvurderingar av ruter og turmål: [Veileder Natur-og-miljovurderingar-av-ruter-og-turmål nov-2023 Web.pdf \(merkehandboka.no\)](#)

Merkehandboka si Skiltmanual: [4797 skiltmanual.pdf \(merkehandboka.no\)](#)

Mal for grunneigaravtalar: [Avtaler – Merkehåndboka \(merkehandboka.no\)](#)

Miljødirektoratet; Naturvennlig tilrettelegging for friluftsliv: [m1326.pdf \(miljodirektoratet.no\)](#)

Miljødirektoratet; Stiskulen: [Stiskulen- Miljødirektoratet \(miljodirektoratet.no\)](#)

Handbok for sårbarhetsvurdering av verneområde: [Sårbarhetsvurdering i norske verneområder \(nina.no\)](#)